



Kristian Bringedal og Bjørgulv Eik med to bilete frå Rød. (Foto: Ola Matti Mathisen)

**Kristian Bringedal og Bjørgulv Eik er no i gang med innsamlinga av flyfoto som dei ynskjer å låna til utstillinga på Bygdetunet Rød neste sundag - 23. august. Der vil det bli plass til 30 bilete i lemstova og det er viktig at mest mogeleg av bygda blir dekkja fotografisk.**

Bringedal og Eik har allereie gjort ein stor jobb med å lokalisere bilete, som mange uskedelingar har hengjande på veggane sine. Samla sett vonar dei å gje eit bilete av bygda slik ho var - sett i fugleperspektiv - på 1950- og 1960-talet.

Utstillingen blir kalla 'Tun og landskap i Uskedalen - flyfoto frå 1950- og 1960-talet'. Men ein kan også unntaksvis ta i mot bilete som er teke seinare dersom dei illustrerar ein interessant bygningshistorisk utvikling. Dei som har bilete kan levera dei direkte til Bringedal eller Eik, men det blir også innsamling den siste veka før utstillingen.

Etter den oversikt dei no har er bygda relativt godt dekkja med bilete, men det er ynskjeleg med supplement frå til dømes Ljosnes, området rundt idrettsplassen på Heio, Kapteinsgården, Skårhaug-området, Friheim og sentrum (Beinavikjo).

Det var stort sett Fjellanger Widerøe, Telemark Flyselskap og Norrønafly som fotograferte også vår bygd i det tidsrommet som utstillingen omfattar. Bringedal og Eik presiserar at ein ikkje er interessert i prospektkort, men store kopiar som ofte vart fargelagde (handkolorerte) etter fotograferinga.

Av Ola Matti Mathisen